

mortalium ceterorum cupiditati et avaricie inhyantem seposuisse ceteras curas. Sane, amice; etsi aliter scribas et aliter in hoc sentias, ut mea tenet opinio, non tamen est quod mireris, si mortali genitus mortaliter ago, et ceco tramite ductus in foveam recido satis plenam. Morbus quidem comunis est, in precipitium cuncta trahens, nec ipsi qui errorem damnamus, erroris immunes sumus. Profecto sic est: laudamus priscos mores, vitam sequimur moder-
 30 norum. Verum ut mentis archanum tibi aperiā, Deum testor et fidem, quam ad virtutem utcunque habeo et ad te, queque fuit ab annis teneris, bene nosti, et erit etiam post fata, non ambigo, quod et opes et avariciam ceterasque pestes vulgares, quas etiam non-numerando satis intelligis, et sperno et horreo et, si in vita nostra pro arbitrio esset electio, vidisses tu, vidissent et alii miratores rerum quanti fecissem honores et opes, aliaque irritamenta ma-
 40 lorum. Nec fuisset grande certe quod expetissem vitam, quippe ad frugalitatem et honestum ocium congruentem; cetera namque velut supervacua abiecissem. Nunc autem in sorte positus, verser ut alii necesse est, et quem volentem fata ducere nequeunt, invitum et renitentem in has miseras trahunt. Ad summam sic vivo ut lucem sepe exosam habeam.

Sen. Epist.
107, 11.

His paucis contentus, ne quarto interruptionem patiar, finem facio; nam et velle meum pro maiori parte nosti, ni fallor, et de hac re sepe inter nos agitatus est sermo. Vale, Vir singularis, memoriamque dilecti tui, ut spero, non deseras. — Iustinopoli, idibus ianuarii [1368?].

13.

Epistola Philippi Cavallo responsiva ad premissam^{a)}.

[Vat. c. 105 v].

Placuit, amate frater, benecomposita tui sermonis oratio. At si quid sinceri in deserta mente concipitur, admiratio vehementior in-

^{a)} Cfr. a pagg. 77, 98-9, 151.

²⁷ tenet] *Vi. M. L. tunc.* quod] *Vi. quod est, M. L. quid est. M. L. mortaliter.* ²⁸ *L. recidam.* ³³ queque] *om. Vi.* ³⁴ *L. ambiguo.* ³⁸ rerum] *om. M. Vi.* ³⁹ quod] *M. L. quam.* ⁴⁰ *Vi. infrugalitatem.* ⁴¹ *Vi. versar, M. L. versor.* ⁴⁷ *Vi. inter nos sepe.* ⁴⁸ *M. L. idus.* ⁴⁹ *L. om. la data.*